

第 15 回 世界漢詩同好會-韓國作品

總 9 人 13 首

詩題：仲秋賞月

押韻：上平聲 15 刪韻

(一) 作者：省軒 朴海春

正值涼生時序還，中秋佳節世愁刪。
墳榮守護連綿志，父祖羹牆米息閒。
候伺遍尋回古里，楸行歸省踏先山。
嘉俳圓月年中最，放彩姮娥不老顏。

(二) 作者：一平 趙南權

仲秋明月上東山，爲待樓亭倚檻間。
初見喜如親舊面，久看霽似聖賢顏。
撞鐘古釋詩偏好，擊節今吾興一般。
無語有情猶勝語，欲還還坐不知還。

(三) 作者：敬菴 朴容圭

乾坤暑退萬愁刪，尤愛佳俳此際還。
五穀登豐心自富，千家照月意閑顏。
尋真盡日來斯寺，厭俗無端入碧山。

老去那關名利事，數杯頓忘世情艱。

(四) 作者：清溪 趙冕熙

年深月色不增刪，獨守嫦娥恒少顏。

后羿嘗望蟾影闌，牽牛長恨鵲橋關。

天寒歸燕將南去，風急賓鴻自北還。

名節吾邦斯日最，省親祀墓故鄉間。

又

冰鏡照塵寰，瞻望誰可攀。

或悲時缺滿，我愛永循環。

昨夜金風起，今朝玉露斑。

黃雲波大野，掃墓故山還。

(五) 作者：葛亭 權宰興

璇璣每自環，佳節仲秋還。

弄月今宵樂，姮娥對笑顏。

(六) 作者：柏村 權奇甲

金谷傳來白帝關，黃花紅葉爛江山。

殷豐野景清風轉，媚遠楓光滿目斑。

醉興有餘新稻酒，行歌自足舊鄉灣。
煙霞引袖吟辭賦，假我乾坤到處閑。

又

香滿仲秋鄉里關，康衢煙月興難刪。
全家聚會天倫樂，百穀登豐世事閒。
父祖衣裳依世色，兒孫佩服變瑤環。
兄酬弟勸新濃酒，歸省風流不得慳。

又

明月佳辰年復還，桂花香氣滿天關。
酒闌刻憶青蓮句，醉興如浮上帝寰。
雙杵聲中求搗藥，孤輪影裏製頽顏。
清狂自許經秋節，始識吾生四皓班。

(七) 作者：一愚 李忠九

仲秋滿月掛東山 如畫明光照九寰
五穀豐登佳麗日 康衢謠裏萬民閑

又

佳節仲秋今復還 萬民歸省覓鄉關

相逢兄弟何和樂 月夜堂中見笑顏

(八) 作者：孤芳 李勝九

中秋明月少無刪，圓滿華容自不慳。

儻步行行何處宿，扶桑銀漢邈西間。

(九) 作者：屈漁堂 金鎮爽

南來書雁報秋還，日益楓籠綠樹間。

採菊庭中觀碧落，嫦娥今夜最和顏。